

II - ARABAKO LURRALDE HISTORIKOAREN TOKI ADMINISTRAZIOA

GAUBEAKO UDALA

Garraiorako dirulaguntzen deialdia, 2022-2023 aldirako

Udalbatza honek, 2023ko maiatzaren 26an balio osoz egindako osoko bilkuran, 2022-2023 aldirako garraio laguntzak emateko deialdia eta horren oinarri arautzaileak onartu zituen. Horren gainean hartutako hirugarren erabakia betez, oinarri horiek ALHAOn argitaratzen dira, objektibotasun, lehia eta publizitate printzipioak bermatzeko.

Gaubea, 2023ko ekainaren 30a

Alkate-lehendakaria
GORKA SALAZAR SENSO

Garraiorako laguntzak emateko udal programa arautzen duten oinarriak, 2022-2023 aldirako

Toki Araubidearen Oinarriak arautzen dituen apirilaren 2ko 7/1985 Legeak 25. artikuluan ezartzen duenez, udalerrriak, bere interesak kudeatzeko eta bere eskumenen esparruan, nahi adina jarduera susta ditzake eta nahi adina zerbitzu publiko eman ditzake herritarren beharri-zanei eta nahiei erantzuteko.

Udal honen ustez, beharrezkoa da derrigorrezkoak ez diren ikasketak egin nahi dituzten herri honetako biztanleek eta goi mailako ikastetxeak dituzten udalerrietan bizi diren ikasleek baldintza berdinak edukitzea.

Dirulaguntzen azaroaren 17ko 38/2003 Lege Orokorrak 9. artikuluan ezartzen duenez, dirulaguntzak eman aurretik oinarri arautzaileak onetsi behar dira.

Kontuan harturik Gaubeako Udalaren 2022-2023 aldirako Dirulaguntzen Plan Orokorra, onetsi egiten da derrigorrezko hezkuntza baino maila altuagoko ikasketak egiten ari diren ikasleen edo prestakuntza prozesuetan sartze aldera gizarteratzeko ibilbidea egiten ari diren pertsonen garraiorako laguntzak emateko deialdi publikoa. Hona hemen oinarriak:

Lehenengoa. Deialdiaren xedea

Eskola garraiorako laguntzen onuradun izan daitezke Gaubeako udalerrian erroldatuta dauden eta 27 urte baino gehiago ez duten ikasleak, baldin eta derrigorrezko hezkuntza baino maila altuagoko ikasketak egiten ari badira Euskal Autonomia Erkidegoko edo ohiko etxebizitzatik gehienez 150 kilometrora dagoen edozein ikastetxe ofizialetan, publikoa nahiz pribatua izan, bai eta ere erakunde publikoek laneratzeko sustatutako ikastaroetara joateko udalerritik kanpora lekualdatu behar diren langabetuak ere.

Bigarrena. Aurrekontuko zuzkidura

Badago aurrekontuko zuzkidura, 10.000,00 eurokoa, ekitaldi honetako aurrekontuko 4412 48000 partidan.

Hirugarrena. Onuradunak

Eskola garraiorako laguntzen onuradun izan daitezke Gaubeako udalerrian erroldatuta dauden eta 27 urte baino gehiago ez duten ikasleak, baldin eta derrigorrezko hezkuntza baino maila altuagoko ikasketak egiten ari badira Euskal Autonomia Erkidegoko edo ohiko etxebizitzatik gehienez 150 kilometrora dagoen edozein ikastetxe ofizialetan, publikoa nahiz pribatua izan, bai eta ere erakunde publikoek laneratzeko sustatutako ikastaroetara joaten diren langabetuak.

Dirulaguntza honako ikasketa hauek egiteko joan-etorrietarako emango da:

- Batxilergoa.
- Erdi mailako LH.
- Goi mailako hezkuntza, zehazki honako hauek:
 - Unibertsitate ikasketak.
 - Goi mailako arte ikasketak.
 - Arte plastikoetako eta diseinuko goi mailako ikasketa profesionalak.
 - Goi mailako LH.
 - Goi mailako kirol ikasketak.

Kanpoan geratzen dira hizkuntza eskoletan egiten diren ikasketak; filologia ikasketetarako garraioa, berriz, diruz lagunduko da.

Laguntza hauen onuradun dira, halaber, prestakuntza prozesuetan sartze aldera gizareratzeko ibilbidea egiten ari diren pertsonak.

Laugarrena. Eskaerak eta agiriak

Eskaerak Gaubeako Udalari zuzendu behar zaizkio eta honako agiri hauek erantsita behar dira:

- Ikasketak egiten diren ikastetxeko matrikularen fotokopia.
- Garraioa erabili dela egiaztatzen duten agiriak (txartelak, fakturak, kuotak).
- Dirulaguntza jasoz gero hura ordaintzeko banku kontua (IBAN).
- Beste edozein erakunde publiko nahiz pribatari egindako dirulaguntza eskabidearen kopia.

Bosgarrena. Eskaerak aurkezteko eta akatsak zuzentzeko epea

Eskabideak 2023ko irailaren 30a baino lehenago aurkeztu behar dira.

Aurkeztutako agirietan ez badira jaso eskatutako datu guztiak, 10 eguneko epea emango zaio eskatzaileari horiek denak osatzeko. Gainera, ohartarazi egingo zaio ezen, epe horretan aurkeztu ezean, eskaerari uko egin diola ulertuko dela, betiere dagokion ebazpena eman ondoren.

Seigarrena. Balorazio batzordea

Eskabideak informazio batzordeak balioetsiko ditu, eta hark erabakiko du deialdian izan daitekeen edozein salbuespenen inguruan.

Zazpigarrena. Laguntzen zenbatekoa erabakitze irizpideak

Hezkuntza arautuaren kasuan, laguntzaren zenbatekoa finkoa izango da: 400,00 euro.

Langabeen kasuan, informazio batzordeak kasu konkretu bakoitza aztertuko du, eta dirulaguntza egiten den ikastaroaren edo ikastaroen iraupenaren arabera ezarriko da, gutxienez 25 orduko iraupena eskatuta.

Zenbateko horiek eskatutako eta aurkeztutako txartelen bidez justifikatutako zenbatekoaren arabera ordainduko dira, betiere laguntzaren xede den kontzeptuaren kostua gainditzen ez bada.

Zortzigarrena. Ebazpena

Edozein erakunde publiko nahiz pribatuk helburu bererako emandako dirulaguntza guztiak eza-gutu eta gero, udalak ebatziko du deialdia, balioespena egiten duen informazio batzordearen pro-
posamen arrazoitua aztertutik, proposamena egin eta gero egiten den lehenengo ohiko bilkuran.

Deialdia ebazteko eta ebazpena argitaratzeko gehieneko epea 2024ko urtarrilaren 31 izango da. Epe hori igaro eta esanbidezko ebazpenik eman ez bada, eskaerei ezezkoa eman zaiela ulertu behar da.

Ebazpenak administrazio bidea agortzen du, eta, haren aurka, administrazioarekiko auzi erre-kurtsoa aurkeztu ahal izango da Gasteizko Administrazioarekiko Auzietarako Salan.

Bederatzigarrena. Laguntzak ordaintzea

Laguntzak eskaeran emandako kontu zenbakian banku transferentzia eginez ordainduko dira.

Onuradunei laguntzak emateko eta, hala dagokionean, horiek ordaindu ahal izateko, buka-tuta egon beharko du oraindik ere izapidetze fasean dagoen edozein itzulketa edo zehapen prozedurak, hain zuzen, beste edozein erakunde publiko nahiz pribatuk ematen dituen izaera bereko laguntzen edo dirulaguntzen esparruan abiarazitakoak.

Hamargarrena. Beste laguntza batzuekiko bateragarritasuna

Deialdi hau baliatuz ematen diren laguntzak bateragarriak dira helburu bererako jasotako beste laguntza batzuekin.

Hamaikagarrena Ebazpena aldatzea

Laguntza emateko kontuan izandako baldintzak aldatzen badira, hura emateko ebazpena ere aldatu ahal izango da.

Hamabigarrena. Laguntza itzultzea

Ikasleak ikasketak uzten baditu laguntza eskatu duen ikasturtean, laguntzak bertan behera geratuko dira eta ikasleak jasotako zenbatekoak itzuli beharko ditu.

Itzuli beharreko diru zenbatekoak zuzenbide publikoko diru sarrera gisa hartuko dira, eta, itzulketa ez bada egiten xede horretarako ezartzen den epearen barruan, premiamendu bidea erabili ahal izango da.

Hamahirugarrena. Ikuskaritza, kontrola eta jarraipena

Diruz lagundutako jarduera ikuskatu, kontrolatu eta jarraitzeko eskubidea du udalak, bai eta beharrezkotzat jotzen duen edozein egiaztagiri eskatzeko ere.

Hamalagarrena

Oinarri hauetan aurreikusi gabekoetan, Dirulaguntzen azaroaren 17ko 38/2003 Lege Orokorrak xedatutakoa beteko da.

Oinarri hauen aurka, nahi izanez gero, berraztertze errekurtsoa aurkeztu ahal izango zaio udalari, hilabeteko epean edo, bestela, zuzenean administrazioarekiko auzi errekurtsoa jarri Gasteizko administrazioarekiko auzien salan, bi hilabeteko epean.